



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**S. Avrel. Avgvstini Confessionvm Libri X**

**Augustinus, Aurelius**

**Coloniae, 1646**

Cap. IV. Deum cum sit summum bonum necessario esse incorruptibilem,  
& hinc investigari debere causam mali, nec posse Deum cogi.

**urn:nbn:de:hbz:466:1-10120**

## V S V S.

Salubriter Deus S. Augustino initio ostendit Libe-  
rum arbitrium nos habere, idque causam peccati esse, &  
quod inviti facimus, sive quod voluntarium non est,  
peccatum non esse. Ita ille principio veritatem fi-  
dei Catholicæ invenit & adversus hæreticos sta-  
bilivit, qui liberum arbitriu[m] tollunt; causam  
peccati, si non omnes, certe multi Deo attri-  
buunt; motus concupiscentiæ etsi involuntarioris,  
peccata esse mentiuntur. Seque hoc ipso  
non à Deo conversos cum Augustino ad Eccle-  
siæ ueritatem ostendunt, sed contraria plane  
via à Diabolo perversos, in Ecclesiæ destruc-  
tionem.

## C A P. I V.

*Deum, cum sit summum bonum, necessa-  
rio esse incorruptibilem, & hinc investiga-  
ri deberi causam mali, nec posse Deum  
cogi.*

1. **S**ic enim nitebar cætera invenire, ut  
jam inveneram melius esse incorru-  
ptibile quam corruptibile: & ideo te, quic-  
quid es, esse incorruptibilem confitebar.  
a Neque enim ulla anima unquam potuit,  
poteritve cogitare aliquid, quod sit te me-  
lius, qui summum & optimum bonum es.  
Cum autem verissime atque certissime in-  
corruptibile corruptibili præponatur, sicut  
jam ego præponebam, poteram jam cogi-  
tatione aliquid attingere, quod esset melius  
Deo meo, nisi tu essem incorruptibilis. Vbi  
igitur videbam incorruptibile corruptibili  
esse præferendum, ibi te querere debebam,  
atque inde advertere, unde sit malum: id est,  
unde sit ipsa corruptio, qua violari substantia  
tua nullo modo potest.

2. b Nullo

2. b Nullo enim prorsus modo violat corruptio Deum nostrum, nulla voluntate, nulla necessitate, nullo improviso casu. Quoniam ipse est Deus, & quod sibi vult, bonum est: & ipse est idem bonum; corrumpi autem non est bonum. Nec cogeris invitus ad aliquid, quia voluntas tua non est major potentia tua: esset autem major, si teipso tu ipse major essem; voluntas enim, & potentia Dei, Deus ipse est. Et quid improvisum tibi, qui nosti omnia: & nulla natura est, nisi quia nosti eam? Et, ut quid multa dicimus, cur non sit corruptibilis substantia, quæ Deus est, quando si hoc esset, non esset Deus?

## N O T A E.

a Neque enim *ulla anima* &c.) Omnes ut S. D. alibi l. 1. de dicit, pro excellentia Dei certatim dimicant, nec quisquam iuramentum potest, qui non hoc credat, Deum esse, Christum, quo melius non est. Itaque hoc omnes consentiunt Deum esse, quod ceteris rebus omnibus anteponunt. Hoc ergo principium primum est Fidei nostræ, imo & Spei, ac Caritatis: Deus summum bonum est.

b *Nullo enim prorsus modo violat corruptio*) Incorruptibilis & inviolabilis, & immutabilis est solus Deus, omnis vero creatura est corruptibilis, aut saltem violabilis & mutabilis, non ergo ex Deo, vel in Deo: sed ex creatura, & in illa est corruptio, siue malum, corrupti enim malum est. Atque haec est prima radix culpa & pena peccati, quam hic S. D. tangit, & alibi explicat. Quia enim anima ejusque voluntas mutabilis & violabilis est, ideo peccare potest, & pati quod non vult. Deus autem immutabilis, ideoque ejus voluntas non deficit in malum, & inviolabilis, ideoque cogi non potest ad peccatum: non ab alio, quia omnibus fortior: non a seipso, quia non est potentia ejus major, quam voluntas, ut poslit invita pati a potentia. Recte ergo S. D. ait, se in eo quod incorruptibilis Deus transcedit omne corruptibile, debuisse deprehendere corru-

*ptionis, sive mali primum fontem esse ipsam corruptibilitatem, & mutabilitatem creaturae. Quomodo vero Deus quoque, sit autor mali, dicam inf. ad c. 13.*

## C A P. V.

*Omnem creaturam instar spongiae, in immenso mari, Deo plenam esse, & omnia bono à summo bono facta agnoscebat, anxie quærens, unde malum irrepserit.*

1. **E**t quærebam, unde malum, & male quærebam: & in ipsa inquisitione mea, non videbam malum. Et constituebam in conspectu spiritus mei universam creaturam, quicquid in ea cernere possumus, sicuti est terra, & mare, & aëris, & sidera, & arbores, & animalia mortalia: & quicquid in ea non videimus, sicut firmamentum cœli, insuper & omnes angelos, & cuncta spiritualia ejus: sed etiam ipsa quasi corpora essent, locis & locis ordinavit imaginatio mea; & fecit unam massam grandem distinctam generibus corporum creaturam tuam, sive quæ revera corpora erant, sive quæ ipse pro spiritibus fixeram. Et eam feci grandem, non quantum erat, quod scire non poteram, sed quantum libuit, undique versum sane finitam. Te autem Domine ex parte ambientem & penetrantem eam, sed usquequa infinitum. Tanquam si mare esset ubique, & undique per immensum infinitum solum mare: & haberet intra se spongiam quamlibet magnam, sed finitam tamen: plena esset undique spongia illa ex omni sua parte, ex immenso